

पिंज्जका (संज्ञा)

एकअम मुद्ध आलस / आली, आलो अरा अड्डा ही नामेन पिंज्जका बअनर । (किसी खास व्यक्ति, वस्तु या स्थान के नाम को संज्ञा कहते हैं ।)

एकासे का - कार्तिक, परता, खाड़, राँची, पुथि ।

पिंज्जका ही डाड़ा (संज्ञा के भेद) :-

- (1) नामे पिंज्जका (व्यक्ति वाचक संज्ञा)
- (2) गयरह पिंज्जका (जातिवाचक संज्ञा)
- (3) गोठ पिंज्जका (समूहवाचक संज्ञा)
- (4) दरप पिंज्जका (द्रव्यवाचक संज्ञा)
- (5) मनगुन पिंज्जका (भाववाचक संज्ञा)

(1) नामे पिंज्जका - एका पिंज्जका ती एकअम मुद्ध मलता ओंटा एकला आलोन नामे पिंज्जर टिपटिपउवा अख्रतारई, अदिन नामे पिंज्जका बअनर । (जिस संज्ञा से किसी विशेष अथवा एक ही वस्तु की जानकारी हो, उसे व्यक्तिवाचक संज्ञा कहते हैं)

एकासे का - बुधु भगत, बिरसा मुण्डा, गंग्गा, फंसी टुंगरी, अँडिया खोसरा ।

(2) गयरह पिंज्जका - एका नामे ती आ मइदका गहि ढेर आलो अखतारई, अदिन गयरह पिंज्जका बअनर । (जिस नाम से उस प्रकार की बहुत सी वस्तुओं का बोध हो, उसे जातिवाचक संज्ञा कहते हैं)

एकासे का - खद्दर, परता, मन्न, अल्ला, अड्डो, खाड़, ओ-ड़ा, पूँप, पुथि ।

(3) गोठ पिंज्जका - एका पिंज्जका ती एकअम गोठ अखतारई, अदिन गोठ पिंज्जका बअनर । (जिस संज्ञा से किसी समूह का बोध हो, उसे समूहवाचक संज्ञा कहते हैं)

एकासे का - जतरा, बइसकी, फउद, पे-ठ, ओय गुट्ठी ।

(4) दरप पिंज्जका - एका पिंज्जका ती दरप आबो आलोन, अखतारई, अदिन दरप पिंज्जका बअनर । (जिस संज्ञा से द्रव्य पदार्थ की जानकारी हो, द्रव्यवाचक संज्ञा कहते हैं)

एकासे का - सोना, रूपा, अम्म, इसुंग, धिंव ।

(5) मनगुन पिंज्जका - एका पिंज्जका बक ती एकअम जिया आबो आलो मलता बेगर जिया आबो आलो घी गुन अखतारई, अदिन मनगुन पिंज्जका बअनर । (जिस संज्ञा शब्द से सजीव अथवा निर्जीव का गुण जाना जाता है उसे भाववाचक संज्ञा कहते हैं)

एकासे का - नड़ी, कीड़ा, लूर, मेच्छा, एम्बा गुट्ठी

सवाल :-

(1) पिंज्जका एन्दरन बअनर ?

(2) पिंज्जका एवंदा किसिम घी मनी ?

(3) नामे पिंज्जकन नमुद संगे टूड़ा ।

(4) मनगुन पिंज्जका एन्दरन बअनर टूड़ा ।

(5) इबड़ा बकन चिन्हअर नामे, गयरह, गोठ, दरप अरा मनगुन पिंज्जकन चाजर टूड़ा :- ओय, परता, खाड़, गंगगा, कार्तिक, राँची, मन्न, फउद, जतरा, इसुंग, सोना, रूपा, मेच्छा, पुड्डा, एम्बा, नड़ी ।